

Organismo: Dirección Xeral de Centros e Recursos Humanos

Capítulo:	
Epígrafe:	
(Para cubrir no "Diario Oficial de Galicia")	

SUMARIO:

RESOLUCIÓN do 6 de abril de 2018, da Dirección Xeral de Centros e Recursos Humanos, pola que se resolve definitivamente o concurso de traslados entre persoal funcionario docente dos corpos de catedráticos e profesores de ensino secundario, escolas oficiais de idiomas, música e artes escénicas, artes plásticas e deseño, profesores técnicos de formación profesional, mestres de taller de artes plásticas e deseño, mestres, inspectores ao servizo da Administración educativa e inspectores de educación convocado pola Orde do 24 de outubro de 2017 (*Diario Oficial de Galicia* núm. 210, do 6 de novembro).

TEXTO:

Mediante a Orde do 24 de outubro de 2017 (*Diario Oficial de Galicia* do 6 de novembro) convocouse o concurso de traslados entre persoal funcionario docente dos corpos de catedráticos e profesores de ensino secundario, escolas oficiais de idiomas, música e artes escénicas, artes plásticas e deseño, profesores técnicos de formación profesional, mestres de taller de artes plásticas e deseño, mestres, inspectores ao servizo da Administración educativa e inspectores de educación.

Consideradas as reclamacións e renuncias producidas na resolución provisional, publicadas as vacantes definitivas por Resolución do 2 de abril de 2018, e de conformidade co establecido na base trixésima da antedita Orde do 24 de outubro de 2017,

RESOLVE:

Primeiro. Adxudicarles destino definitivo, en virtude de concurso de traslados, aos funcionarios docentes que figuran nos anexos I e II da presente resolución, nos centros ou sedes que neles se especifican.

Segundo. Declarar en situación de expectativa de destino os funcionários dos corpos docentes que se relacionan nos anexos III e IV.

Terceiro. Publicar a relación definitiva de excluídos nos anexos V e VI, polas causas que se indican.

Cuarto. No caso de que ata o 31 de agosto deste ano resulten suprimidos postos de traballo adxudicados pola presente resolución, e co obxecto de determinar cal é o profesorado afectado pola dita supresión, estarase ao disposto no artigo 3 do Decreto 140/2006, do 31 de agosto, polo que se determinan os criterios de perda do destino definitivo polas funcionarias e funcionários docentes que prestan servizos nos centros educativos que imparten ensinanzas distintas das universitarias e o cómputo da antigüidade no centro en función das causas de acceso a el (DOG n.º 169, do 1 de setembro).

Tamén se poderán declarar anulados os destinos adxudicados que estean afectados pola estimación de recursos derivados desta resolución. O profesorado afectado e que participa como forzoso quedará na situación de suprimido con dereito preferente á localidade/zona en que se lle anula o posto de traballo obtido. Se participaron con carácter voluntario, adquirirán o dereito preferente á localidade e á zona na cal se lle anula o posto de traballo obtido ou no que tiña acreditado o destino definitivo, á súa elección, sempre e cando a súa resulta non fose cuberta.

Quinto. De conformidade co establecido na base trigesimo terceira da Orde do 24 de outubro de 2017 (DOG do 6 de novembro), a toma de posesión dos novos destinos adxudicados, que se realizará na xefatura territorial correspondente, terá efectividade administrativa do 1 de setembro de 2018, polo que o cesamento nos centros anteriores se expedirá con efectividade do 31 de agosto de 2018.

Non obstante, o profesorado que obtivese destino neste concurso deberá permanecer no seu centro de orixe ata que conclúan as actividades imprescindibles previstas para a finalización do curso.

Sexto. Ao persoal funcional docente do corpo de mestres que obteña destino desde a situación de suprimido ou desprazado, faráselle constar esta circunstancia na dilixencia de toma de posesión.

Ao persoal funcionario docente dos corpos de catedráticos, inspectores ou profesores que obteña destino desde a situación de persoal suprimido ou desprazado ou exercendo o dereito de retorno, faráselle constar esta circunstancia na diligencia de toma de posesión.

Sétimo. Contra esta resolución, que lle pon fin á vía administrativa de acordo co disposto no artigo 4 da Lei galega 6/2001, do 29 de xuño, as persoas interesadas poderán formular, con carácter potestativo, un recurso de reposición ante o director xeral de Centros e Recursos Humanos no prazo dun mes contado desde o día seguinte ao da súa publicación, de conformidade cos artigos 123 e 124 da Lei 39/2015, do 1 de outubro, de procedemento administrativo común das administracións Públicas, ou directamente un recurso contencioso-administrativo no prazo de dous meses ante o xulgado do contencioso-administrativo que sexa competente, segundo o establecido nos artigos 8, 14 e 46 da Lei 29/1998, do 13 de xullo, reguladora da xurisdición contencioso-administrativa.

Santiago de Compostela, 6 de abril de 2018

José Manuel Pinal Rodríguez

Director xeral de Centros e Recursos Humanos



INSÍRASE NO DOG